

## Lou Moulin D'Òli

1

Au moulin d'òli  
dòu mas d'Escanin,  
Manjan ,l'aioli  
Tòuti li matin.  
Pièi quand l'avèn manja,  
Nautro anan barreja  
Mé lou baile de banc  
Que nous douno lou vanc.

2

Li barrejaire,  
Nous an bèn chausi :  
Sian farcejaire  
E pas di móusi.  
Degun sian d'aprendis ;  
Eu estènt dòu païs,  
Sabèn noste mestié :  
Barrejan voulountié.

3

La vis petejo,  
Quicho tout plan-plan  
L'òli clarejo :  
Tout en s'escoulant,  
Lou galant brut que fai !  
Dins un pieloun s'en vai ;  
Un triaire vouchous  
Lou trio emé de goust

4

Dos bèlli miolo  
Ou'an proun de vigour  
Viron li molo  
La niue 'mai lou jour.  
l'an pas mes lou bridèu,  
Mai an lou cascavèu  
Que dintre lou moulin  
Mes tout lou mounde en trin.

5

S'es fa la pasto  
Dins gaire de téms ;  
Lou que la tasto  
Dis que vai proun bèn.  
Pièi d'ome dins lou cas  
Emplisson li cabas,  
Tachon de rèn frauda  
E de bèn escauda.

6

De vers la colo  
Lou chalant parèis.  
Emé la fiolo  
Pleno de vin vièi ;  
Lèu-lèu li vièi cabot  
En aubourant lou got,  
Dison 'me li jouvènt :  
Enjusqu'à l'an que vèn !